



Broj: 07-11-5-3399/26

Bosanska Krupa, 10.6.2026.godina

Na osnovu člana 69. stav (2) d) i člana 70. stav (4) Zakona o javnim nabavkama („Službeni glasnik BiH“, broj: 39/14, 59/22 i 50/24), u postupku konkurentskog zahtjeva za dostavu ponuda za nabavku roba – Nabavka računara i računarske opreme na prijedlog Komisije za provođenje postupka javne nabavke, Gradonačelnik, kao rukovodilac organa uprave Grada Bosanska Krupa, donosi:

### **ODLUKU**

#### **o poništenju postupka nabavke**

**Poništava se postupak nabavke radova - Nabavka računara i računarske opreme objavljen dana 5.5.2026. godine na Portalu javnih nabavki - Obavještenje o nabavci broj: 1272-7-1-56-3-51/26 i u „Službenom glasniku BiH“ broj: 31/2026 od 5.5.2026. godine, jer nijedna od primljenih ponuda nije prihvatljiva.**

#### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-3399/26 od 24.4.2026. godine. Javna nabavka je provedena putem konkurentskog zahtjeva za dostavu ponuda – Nabavka računara i računarske opreme. Obavještenje o nabavci broj: 1272-7-1-56-3-51/26 od 5.5.2026. godine - objavljeno na portalu JN (TD preuzelo 32 ponuđača) i u Službenom glasniku Bosne i Hercegovine, broj: 31/26 od dana 5.5.2026. godine

Komisija konstatuje da je procijenjena vrijednost roba urađena na osnovu ispitivanja tržišta 25.641,00 KM bez PDV-a, odnosno 29.999,97 KM s PDV-om.

Do označenog roka za prijem ponuda na protokol Ugovornog organa blagovremeno je zaprimljena jedna (1) ponuda, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. **„INTER-COM“ d.o.o. Zenica**, zaprimljena pod brojem protokola: 07-11-5-3399-2/26 dana 8.5.2026. godine u 9:39 sati.

Komisija za provođenje postupka javne nabavke je u skladu sa tenderskom dokumentacijom dana 8.5.2026. godine u 12,30 sati izvršila javno otvaranje pristiglih ponuda:

1. **Ponuđač „INTER-COM“ d.o.o. Zenica**, dostavljena ponuda uredno zapakovana i bez vidnih oštećenja, ponudio je:

cijena ponude bez PDV:	<b>25.000,00 KM</b>
PDV	<b>4.250,00 KM</b>
ukupna cijena s PDV:	<b>29.250,00 KM</b>

Nema popusta.

Komisija je izvršila evaluaciju dostavljene ponude i konstatovala da je ponuda ponuđača „INTER-COM“ d.o.o. Zenica potpuna i ispravna u formalno-pravnom smislu (ponuđač dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze) i da je računski tačna.

Komisija je također konstatovala da je u ovom postupku predviđeno provođenje e-aukcije, ali se ista neće provoditi, jer je zaprimljena samo jedna prihvatljiva ponuda, a shodno članu 4. stav (2) Pravilnika o uslovima i načinu korištenja e-aukcije ("Službeni glasnik Bosne i Hercegovine", broj: 80/23).

Shodno navedenom, a kako je kriterij za dodjelu ugovora najniža cijena, Komisija za provođenje postupka javne nabavke predložila je Ugovornom organu da donese Odluku o izboru najpovoljnijeg ponuđača i to „INTER-COM“ d.o.o. Zenica i zaključi Ugovor s istim.

S obzirom da je kriterij za dodjelu ugovora „najniža cijena tehnički zadovoljavajuće ponude“, da je ponuda ponuđača „INTER-COM“ d.o.o. Zenica u okviru procijenjene vrijednosti predmetne nabavke, Ugovorni organ je prihvatio prijedlog Komisije i donio Odluku o izboru najpovoljnijeg ponuđača broj: 07-11-5-3399/26 od 12.5.2026. godine.

Ugovorni organ je izabranom ponuđaču dostavio ugovor o nabavci roba – računara i računarske opreme na potpis, međutim dana 8.6.2026. godine zaprimljen je akt „INTER-COM“ d.o.o. Zenica u kojem navodi da odustaju od ponude/ugovora.

S obzirom da je u ovom postupku pristigla samo jedna ponuda te da nema drugih prihvatljivih ponuda, Ugovorni organ poništava predmetni postupak javne nabavke, shodno članu 69. stav (2) tačka d) Zakona o javnim nabavkama („Službeni glasnik BiH“, broj: 39/14, 59/22 i 50/24).

#### **Pouka o pravnom lijeku**

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom u dovoljnom broju primjeraka, a koji ne može biti manje od tri.

Akt obradila:

Elmedina Kavazović, sekretar gradskog organa uprave



Dostaviti:

1. „INTER-COM“ d.o.o. Zenica, putem e-maila,
2. Za objavu na web stranici Grada
3. U spis
4. a/a